



Broj: 01/01-312/10-2025
Sarajevo, 11.04.2025. godine

Na osnovu člana 69. stav (1) tačka a), člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14, 59/22 i 50/24), na preporuku Komisije za provođenje postupka nabavke broj: 01/01-312/9-2025 od 09.04.2025. godine za nabavku: ***Nadogradnja postojeće pumpne stanice za sanitarnu vodu*** Dekan Univerziteta u Sarajevu-Prirodno-matematičkog fakulteta donio je

ODLUKU o izboru najpovoljnijeg ponuđača

Član 1.

Prihvata se Preporuka Komisije za provođenje postupka javne nabavke broj: 01/01-312/9-2025 od 09.04.2025. godine i ugovor za nabavku: ***Nadogradnja postojeće pumpne stanice za sanitarnu vodu*** dodjeljuje se ponuđaču **ELEKTRO UNIVERZAL D.O.O.** čija ukupna cijena ponude iznosi **8.050,00 KM bez PDV-a** kao najbolje ocijenjenom ponuđaču nakon provedene E-aukcije.

Član 2.

Izabrani ponuđač dužan je u roku od 5 (pet) dana od dana zaprimanja ove Odluke, na adresu Univerzitet u Sarajevu - Prirodno-matematičkog fakulteta, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 7. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Član 3.

Ova odluka objavit će se na web-stranici www.pmf.unsa.ba u skladu sa članom 70. stav (6) Zakona o javnim nabavkama BiH.

Član 4.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke: ***Nadogradnja postojeće pumpne stanice za sanitarnu vodu*** broj: 01/01-312/3-2025 od 11.03.2025. godine. Obavještenje o nabavci broj: 29340-7-3-10-3-17/25 od 12.03.2025. godine objavljeno je na Portalu javnih nabavki.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 24.03.2025. godine, tendersku dokumentaciju preuzeli slijedeći potencijalni ponuđači: GALBOLS DOO, BBS EUROPE, EKAPIJA DOO, "EP-RESET" D.O.O. KALESIJA, HIDROINVEST DOO, ETAL BH D.O.O., INSTRUMENTS, INNOVI DOO, D&D CONSULTING AND CONSTRUCTING D.O.O., "HYDRA" DRUŠTVO SA OGRANIČENOM ODGOVORNOŠĆU ZA PROJEKTOVANJE, CONSULTING I INŽINJERING, SARAJEVO, INTERMETAL DOO, KONTAX D.O.O., ELEKTRO UNIVERZAL D.O.O. TUZLA i CONTROLMATIK BH DOO SARAJEVO.

Iz *Zapisnika o otvaranju ponuda* vidljivo je da je Komisija za javne nabavke dana 24.03.2025. godine po redoslijedu zaprimanja izvršila javno otvaranje blagovremeno prispjelih ponuda:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	Hidroinvest d.o.o.	Da	01/01-312-1/6-2025	21.03.2025.g. u 14:30 sati
2.	Intermetal d.o.o.	Da	01/01-312-2/6-2025	24.03.2025.g. 08:25 sati
3.	Hydra d.o.o.	Da	01/01-312-3/6-2025	24.03.2025.g. 08:50 sati
4.	Elektrouniverzal d.o.o.	Da	01/01-312-4/6-2025	24.03.2025.g. 9:15 sati

Zapisnik o otvaranju ponuda proslijeđen je putem email-a svim ponuđačima koji su blagovremeno dostavili ponudu. Komisija za provođenje postupka javne nabavke je na zatvorenom sastanku pristupila pregledu i ocjeni ponuda, kako bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Komisija za provođenje postupka nabavke je sačinila Zapisnik o otvaranju ponuda i sačinila sažetak primljenih ponuda kako slijedi:

Redni br.	Naziv i sjedište ponuđača	Ponudeni popust	Ukupna cijena ponude
1.	Hidroinvest d.o.o. Kotromanića 7 71000 Sarajevo	0,00 KM	Cijena ponude bez PDV-a =8.100,00 KM 0% popust <i>Ukupna cijena ponude sa uračunatim popustom bez PDV-a =8.100,00KM</i> PDV na cijenu ponude= 1.377,00KM Ukupna cijena za ugovor = 9.477,00 KM sa PDV-om
2.	Intermetal d.o.o. D. Stefana Lazarevića bb 78000 Banja Luka	0,00 KM	Cijena ponude bez PDV-a =8.000,00 KM 0% popust <i>Ukupna cijena ponude sa uračunatim popustom bez PDV-a =8.000,00 KM</i> PDV na cijenu ponude=1.360,00 KM Ukupna cijena za ugovor =9.360,00 KM sa PDV-om
3.	Hydra d.o.o. Lužansko polje 46a 71000 Sarajevo	0,00 KM	Cijena ponude bez PDV-a =8.084,00 KM 0% popust <i>Ukupna cijena ponude sa uračunatim popustom bez PDV-a =8.084,00 KM</i> PDV na cijenu ponude= 1.374,28,00 KM Ukupna cijena za ugovor = 9.458,28 KM sa PDV-om
4.	Elektro Univerzal d.o.o. Pašage Mandžića 77 75000 Tuzla	0,00 KM	Cijena ponude bez PDV-a =8.050,00 KM Popust=0,00KM <i>Ukupna cijena ponude sa uračunatim popustom bez PDV-a =8.050,00 KM</i>

Uvidom u dostavljene ponude, Komisija za provođenje postupka javne nabavke utvrdila je da ponuđači **Elektro Univerzal d.o.o. Tuzla** i **Hidroinvest d.o.o. Sarajevo** ispunjavaju uslove za kvalifikaciju. Ponuđači **INTER-METAL d.o.o. Banja Luka** i **HYDRA d.o.o. Sarajevo** ne ispunjavaju uslove za kvalifikaciju.

Na osnovu detaljnje provjere tehničkih specifikacija ponuđenih pumpnih postrojenja i poređenjem sa zahtjevanim tehničkim karakteristikama i funkcionalnim zahtjevima traženog modela te dodatnom provjerom zvaničnih kataloga preuzetih od proizvođača za ponuđene tipove pumpnih postrojenja utvrđeno je sljedeće:

Ponuđač: Hidroinvest d.o.o. Sarajevo

- Navedeni ponuđač je ponudio pumpno postrojenje marke Grundfos i tlačnu sklopku Danfoss koje u potpunosti zadovoljavaju tražene tehničke karakteristike i funkcionalne zahtjeve, te su ponuđeni modeli isti kao traženi.

Ponuđač: INTER-METAL d.o.o. Banja Luka

- Za pumpno postrojenje koje se traži pod rednim brojem 12. u Aneksu 3 tenderske dokumentacije predložen je model IMP Pumps PPT BL 8-4 PIV. Nakon detaljne provjere usklađenosti priloženog kataloga sa zvaničnim katalogom (koji se može preuzeti sa linka https://imp-pumps.com/wp-content/uploads/2020/03/Katalog_PPT_ANG_2022_mail.pdf) uočeno je neslaganje između podataka koje navodi ponuđač i onih datih u zvaničnom katalogu na zvaničnoj stranici proizvođača za ponuđeni model pumpnog postrojenja. Naime, u prilogu koji je dostavio ponuđač navedeno je da ponuđeni model podržava temperaturni opseg tečnosti (vode) od -20°C do 120°C a u zvaničnom katalogu je navedeno da je to od 0°C do 120°C, čime nije zadovoljen uvjet iz tehničke specifikacije gdje se traži da to bude minimalno od -20°C do 120°C. Pored toga, iz kataloga za navedeni model pumpnog postrojenja se **ne može vidjeti** da osovinska brtva ima dužinu montaže prema standardu EN 12756, a što je traženo u Aneksu 3 tenderske dokumentacije. Ponuđeno pumpno postrojenje nema na sebi integrisanu kontrolnu tablu i sve je integrisano na jednu zajedničku podnu platformu koja po svojim dimenzijama u komadu ne može da stane u skućenu prostoriju u kojoj se nalazi postojeće pumpno postrojenje. Model koji se nudi treba da bude modularan sa integrisanom tablom i koji se zbog skućenog prostora može integrisati sa postojećom pumpnom stanicom.
- Na osnovu gore navedenog ponuđeno pumpno postrojenje za stavku 12 iz Aneksa 3 tenderske dokumentacije **ne predstavlja ekvivalent traženom modelu.**

Ponuđač: HYDRA d.o.o. Sarajevo

- Za pumpno postrojenje koje se traži pod rednim brojem 12. U Aneksu 3 tenderske dokumentacije predložen je model Xylem Lowara 5SVE06T011POT/5. Nakon detaljnog pregleda priloženog kataloga od proizvođača navedeni model pumpnog postrojenja radi na mrežnoj frekvenciji od 50 Hz a u Aneksu 3 se traži da pumpno postrojenje treba da radi na mrežnoj frekvenciji od 60Hz što je neophodno zbog kompatibilnosti i povezivanjem sa postojećim pumpama. Zbog navedenog

ponuđeno pumpno postrojenje **ne zadovoljava** tehničke specifikacije i funkcionalne zahtjeve iz Ankesa 3 tenderske dokumentacije.

Punđač : ELEKTRO UNIVERZAL, d.o.o. Tuzla

- Navedeni ponuđač je ponudio pumpno postrojenje marke Grundfos i tlačnu sklopku Danfoss **koje u potpunosti zadovoljavaju** tražene tehničke specifikacije i funkcionalne zahtjeve, te su ponuđeni modeli isti kao traženi.

Nakon pregleda i ocjene ponuda, Komisija za provođenje postupka nabavke utvrdila je da su ponuđači: **Hidroinvest d.o.o. Sarajevo i Elektro Univerzal d.o.o. Tuzla** ponudili modele koji u potpunosti zadovoljavaju tražene tehničke karakteristike i funkcionalne zahtjev iz Aneksa 3 tenderske dokumentacije i ispunjavaju sve minimalne uslove za kvalifikaciju tražene tenderskom dokumentacijom, te da su ponude navedenih ponuđača **prihvatljive**.

Ponuđači **INTER-METAL d.o.o. Banja Luka i HYDRA d.o.o. Sarajevo** su ponudili model pumpnog postrojenja koje ne zadovoljava tražene tehničke karakteristike i koji **nisu ekvivalentni traženom** modelu, te su ponude navedenih ponuđača **neprihvatljive**.

Iz Zapisnika o pregledu i ocjeni ponuda vidljivo je da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj: 29340-7-3-10-3-17/25 od 12.03.2025. godine predviđeno provođenje E-aukcije za kvalifikovane ponuđače, te je Komisija u skladu sa podzakonskim aktima zakazala E-aukciju kroz sistem E-nabavke za dan 08.04.2025. godine sa početkom u 10:00 sati.

Komisija za provođenje postupka javne nabavke je u Zapisniku o pregledu i ocjeni ponuda sačinila početnu rang listu ponuđača koji su pozvani da učestvuju u E-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1	Elektro Univerzal d.o.o.	4209055490008	8.050,00	1
2	Hidroinvest d.o.o.	4200005890008	8.100,00	2

Iz Izvještaja o toku i završetku E-aukcije vidljivo je da je E-aukcija kvalifikovanih ponuđača započela dana 08.04.2025. godine sa početkom u 10:00 sati i ista okončana navedenog dana u 10:10 sati.

Iz Izvještaja o toku i završetku E-aukcije vidljiva je konačna rang lista ponuđača koji su učestvovali u E-aukciji:

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	Elektro Univerzal d.o.o.	4209055490008	8050,00	0%	1
2	Hidroinvest d.o.o.	4200005890008	8100,00	0%	2

Nakon E-aukcije Komisija za provođenje postupka javne nabavke je na osnovu Izvještaja o toku i završetku E-aukcije u Zapisniku o pregledu i ocjeni ponuda konstatovala da je najpovoljnija ponuda ponuđača **Elektro Univerzal d.o.o.** čija konačna cijena ponude nakon E-aukcije iznosi **8.050,00 KM bez PDV-a**.

Shodno navedenom, Komisija je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu -Prirodno-matematičkog fakulteta da se u predmetu nabavke radova: Nadogradnja postojeće pumpne stanice za sanitarnu vodu **donese Odluku o dodjeli ugovora ponuđaču ELEKTRO UNIVERZAL D.O.O.**, čija cijena ponude iznosi **8.050,00 KM bez PDV-a**.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Prilog:

- Zapisnik o pregledu i ocjeni ponuda
- Izvještaj provjere usklađenosti ponuđenih modela pumpnog postrojenja sa Tehničkim specifikacijama iz Aneksa 3 TD

Dostaviti:

- Ponuđačima
- U predmet
- Dosije nabavki

DEKAN FAKULTETA

Prof. dr. Nusret Drešković

Akt pripremila: Adna Šišić, stručni saradnik za projekte i javne nabavke

Adna Šišić